

REFERAT SAA- Sanarfinermut Avatangiisinullu Ataatsimiititaq d. 06-08-2021

Mødedato Fredag d. 06. august 2021 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Sermiligaami malinnut assiaqutsiornissamut misissueqqaarneq.....	6
Nuummiit Kapisilinnut ATV-nut aqqutiliornissamik misissueqqaarneq.....	9
Suliniut Nordplus 2021-2022.....	12
Upalungaarsimanermut immikkoortumut pilersaarut 2021 - 2024.....	15
Nuummi uumasunut iliveqarfik.....	18
Kommunimut pilersaarummut tapiliusseq L7-1 Icefiord Lodge Nuuk, Kapisillit.....	21
Inaarutaasumik akuersineq: Angallannermut pilersaarut, immikkoortoq 1: Nuummi aqquserngit aan	24
Lukket.....	27
Lukket.....	28
Lukket.....	29
Lukket.....	30
Lukket.....	31
Lukket.....	32
Lukket.....	33
Lukket.....	34
Taasariaqartut allat.....	35
Imaqarniliap akuerineqarnera.....	36

Punkt .: Saqqaa

Ilaasortat:

Justus Hansen (D) - siulersuisoq

Uju Petersen (IA)

Naya-Sophia Lyberth (IA)

Lone Rosengreen Pedersen (IA)

Peter Davidsen (S)

Beslutning

Ataatsimeeqataasut:

Justus Hansen (D), Uju Petersen (IA), Naya-Sophia Lyberth (/IA), Lone Rosengreen Pedersen (IA).

Ataatsimeeqataasinnaanatikf nalunaartut: Peter Davidsen (S), aamma sinniisussaq Inga Dóra G. Markussen (S).

Punkt .: Oqaluserisassat akuersissutigineqarneri

Beslutning

Oqaluserisassat akuersissutigineqarput.

Punkt .: Nalunaarutit

Punkt 1: Sermiligaami malinnut assiaqutsiornissamut misissueqqaarneq

Beslutning

Ilisimatitsissut tusaatissatut tiguneqarpoq.

Bilag

Nassuiaat ilanngussaq ilanngullugu siunnersortimit suliarineqarput 02.09.2020



Sermiligaami malinnut assiaqutsiornissamut misissueqqaarneq

Ilisimatitsissut

SagsID.: EMN-2021-00323 Akt ID 4

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- misissueqqaarneq pillugu ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Matumuuna Sermiligaami malinnut assiaqutsiornissamut misissueqqaarnerup naammassineqarnera pillugu ingerlatsivik ilisimatitsissuteqarpoq.

2019-imut sanaartugassatut missingersuutini politikikkut akuersissutigineqartuni Sermiligaami malinnut assiaqusiinissamut periarfissanik misissuisoqarnissaanut aningaasaliissuteqartoqarpoq. Politikerinit suliaqutissutigineqarpoq, Sermiligaap kujataani qeqertamit avannamut kitaani ikkarluup tungaanut malinnut assiaqutsiisoqarsinnaanera misissorneqassasoq. Qeqertap ikkarluullu akornat naannerpaaq 300 meterit missaannik takissuseqartoq uuttortarneqarpoq.

2020-mi ingerlatsivik siunnersortimik Sermiligaaliartitsivoq, kujataatungaani imaannarmit mallertarneranut assiaqutaasinnaasunik sunik sanaartortoqarsinnaanera paasiniartillugu. Mallinut assiaqutissap inissimaffissaata politikikkut kissaatigineqartup saniatigut siunnersortip paasiniartussaavaa, arlaatigut allamik aaqqiissuteqartoqarsinnaanersoq, taamaasilluni aaqqiissutissat tamakkerlugit erseqqissaassutigineqarniassammata.

Siunnersortip nassuiaatiliaani, nunaqarfimmi angallatit talittarfimmut appakaaffigisartagaasa nalaani malinnut assiaqusersuutit siunnersuutit pingasut isummerfigineqartussaapput. Aaqqiissutissatut siunnersuutit pingasut tamarmik aallaavigivaat, assiaqusersuutit aalajangersimasuussasut ujaqqanik qaartitikkanik immiineq atorlugu.

Kangerlummi angisuunik sikoqartarnera, sakkortuumillu ingiulittarnera pissutigalugu, puttasunik assiaqusersuisoqarnissaa aarlerinartutut nalilerneqarpoq, tassami assiaqusersuut pituffissaalu akornuseqqajaasartussaammata.

Aaqqiissutissatut siunnersuut 2A

Malinnut assiaqusersuut talittarfimmut ungasissumiippoq, malinnullu assiaqut takingaatsiartussaavoq. Aamma malinnut assiaqut taanna kujataanit malinnut assiaqutaanerunissaa naatsorsuutigineqarpoq, taamaattumillu assiaqutip kissaatigisatut atuuffissaa tamakkerneqarsinnaagunarnani. Sumiiffimmi siunnersuutigineqartumi immap itissusia 13-iniit 17 meterinut itissuseqartutut uuttorneqarpoq.

Aaqqiissutissatut siunnersuut 1A

Siunnersuut taanna Sermiligaami talittarfimmut appakaaffiusartup avannaatunginguaniiippoq allanik aaqqiissutissarsiornermut tunngasuulluni. Siunnersuut taanna tamaani aalisartut piniartullu



siunnersuutaannit tunngaveqarpoq. Tamaani imaq sinerissamut qanittumiittoq ikkannerulaarpoq, taamaattumillu immap itissusia to meteriniit ti meterinut ititiginissaa naatsorsuutigineqarpoq.

Aaqqiissutissatut siunnersuut 3A aamma 3B

Siunnersuutip aallaavigivaa, Sermiligaap kujataani kangerliumanerup Sermiligaallu kitaani qeqertat akornanni sapsiorluni malinnut assiaqummik ataatsimik marlunnilluunniit ikkussisoqarsinnaanera periarfissaasinnaanersoq. Talittarfimmur pulammagiaata kimmur samminera pissutigalugu, tassunga sammernanganut malinnut assiaqusiisoqarneratigut sunniuteqarpallaarunangitsoq nalilerneqarpoq.

Aningaasatigut naliliineq

Tabelimi ataaniittumi aaqqiissutissatut siunnersuutit tamakkerlugit qanoq akeqarsinnaaneri missiliukannerneqarput. Akit ilisimaneqanngitsumik nalilernerinut ilanngunneqartoq tassaavoq, piareersaanissamut tunngasortaasa nalileruminaannerat, tassami avataaniit suliaqartitaasussa annertuumik piareersaasiortussaassammat, suliaassallu suliarinissaanut maskiinat atugassai arlaqartussaallutik.

Aaqqiissutissatut siunnersuutit arlaannaat piviusunngortinneqassappat, ujaqqat qaartitikkat suminggaanniit piarneqarlutillu piarneqarsinnaanersut aamma isummerfigineqassaaq. Taannartaa aamma ilisimaneqanngilaq, taamaasillunilu akinik missiliornernut sunniuteqaqataassalluni.

Aaqqiissutissatut siunnersuutit	Missingiutit
2A	10 - 15 mio. kr. (piareersaaneq ilanngunnagu)
1A	1,5 mio. kr. (piareersaaneq ilanngunnagu)
1A marlunnik saputilerlugu	2 - 3,0 mio. kr. (piareersaaneq ilanngunnagu)
3A aamma 3B	naatsorsuusiorneqanngilaq

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmur Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitallit

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-meersoq

Ilanngussat

1. Nassuiaat ilanngussaqq ilanngullugu siunnersortimit suliarineqarput 02.09.2020.

Punkt 2: Nuummiit Kapisilinnut ATV-nut aqquiliornissamik misissueqqaarneq

Beslutning

Ilisimatitsissut tusaatissatut tiguneqarpoq.

Bilag

Ideoplæg ATV-spor, Nuuk-Kapisillit

Følg brev 15-08-2018

C-Overslag

TX100

TX104



Nuummiit Kapisilinnut ATV-nut aqqutiliornissamik misissueqqaarneq

Ilisimatitsissut

SagsID.: EMN-2021-00323 Akt ID 3

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- misissueqqaarneq pillugu ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Matumuuna Nuummiit Kapisilinnut ATV-nut aqqutiliornissamik misissueqqaarnerup naammassineqarsimanera pillugu ingerlatsiviup ilisimatitsissutigaa.

2017-imut sanaartugassanut missingersuusiornermut atatillugu, Nuummiit Kapisilinnut ATV-nut 3 m-tut silissusilimmik aqqutiliornissamik periarfissaq misissorneqassasoq politikikkut aalajangerneqarpoq. Aqqutiliassaq tamakkerlugu 115 km-nik takissuseqarpoq. Misissuinermi aamma immikkoortukkuutaarnissaata saniatigut pilersaarutip sanaartorneqarnissaanut akia C-mik missingiusiorfigineqartussaavoq.

Ingerlatsiviup maani siunnersorti peqatigalugu aqqutiliassap isorartussusissaa tamakkerlugu titartartissimavaa, tamatumani maskiinat assaassutit atortullu allat sumiiffinnut sapinngisamik toqqaannartumik assartorneqarsinnaanissaat ilanngullugu. Aqqutit manissortaat sapinngisamik allangortippallaarnagit malinneqarput, pisariaqanngitsumik immiinissaq qaartiterinissarlup pinngitsoortinniarlugit.

Aqqutiliorfigineqartussami sumiiffiit katillugit tallimat akisunerusumik suliarineqartussaapput, taakkunani ATV-nut aqqutiliornissaq ajornakusoornerusussaammat. Aqqutit taakkua ataani takuneqarsinnaapput.

- Ammukariaq
- Kangerluarsunnguami ujaqquarivik
- Qassip tungaanut majuariaq
- Tuapassuit tungaannut majuariaq
- Kapisillit kitaatungaanni sissaq atuarlugu aqqut sivingasoq

Aningaasatigut naliliineq

Nuummiit aqqutip akisunerup siulliup tungaanut, *Ammukariaq*, sulisunuinnaq aningaasartuutissat missingiut C naapertorlugu 6,5 mio. kr.-it missaannut nalilernerqarpoq, aqqutiliassarlu tamakkerlugu siunnersortimut akiliutissat ilanngullugit katillugit 306 mio. kr.-nik akeqarnissaa missiliorneqarpoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.



Suliffeqarfimmut Kiffartuussivimmit aningaasatigut naliliineq
Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Pilersaarusiorneq aamma nunaminertat atorineqartarnerat pillugit Inatsisartut inatsisaat nr. 17, 17. november 2010-meersoq aamma
- Inatsisartut inatsisaat nr. 34, 9. december 2015-imeersoq

Ilanngussat

1. Ideoplæg ATV-spor, Nuuk-Kapisillit
2. Følgebrev 15-08-2018
3. C-Overslag
4. TX100
5. TX104

Punkt 3: Suliniut Nordplus 2021-2022

Beslutning

Ilisimatitsissut tusaatissatut tiguneqarpoq.

Bilag

Nordplus Powerpoint



Suliniut Nordplus 2021-2022

Ilisimatitsissut

SagsID: EMN-2021-00323 akt ID 7

Sanarfinermut Avatangiisinullu Ingerlatsivik – Pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Nordplus projekt 2022 pillugu ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Matumani ilisimatitsissuteqarnikkut Nordplusprojekt pillugu paasisutissiissutit paasisaqarfiginissaa ingerlatsiviup kissaatigaa: *Building resilient communities in the high north – A mapping project*. Kommuneqarfik Sermersooq, Københavns Professionshøjskole aamma Fróðskaparsetur Føroya - Færøernes Universitet suliniummi suleqatigiipput. Suliniummi Kalaallit Nunaanni Savalimmiunilu ajunaarnersuaqartillugu aqutsinermut workshoppit aqutugalugit suliaqarnissamik nukittorsaanissaq pineqarpoq.

Suliniummumt aningaasaliisuvoq Nordplusfonden Københavns professionshøjskole aqutugalugu. Kommuneqarfik Sermersooq suleqatigiissitami suleqataasunik marlunnik peqataatitaqarpoq, taakkulu workshoppinik ineriartortitsisuullutillu ingerlatsisuupput. Kalaallit Nunaanni Tasiilami Paamiunilu kommunimi sulisunut qitiusumik inissisimasunut, kiisalu suleqatigisat inuiaqatigiinni upalungaarsimanermik suliaqartut peqatigalugit workshoppit ingerlanneqassapput. Workshoppeqartitsinerni siunertaavoq peqataasut namminneq suliassaqarfimmini inuiaqatigiinnik sunnuteqartuni ajunaarnersuaqartillugu aqutsinnaalersinnissaat, kiisalu immikkoortortat assigiinngitsut akornanni suleqatigiissinnaalersinnissaat. Tamanna ingerlanneqassaaq pikkorissartitsinikkut sungiusaanikkullu. Workshoppeqarnernut akunniliullugu najoqqutassat nutarteqqinneqartassapput aammalu oqartussaaffeqarfinni ataasiakkaani pitsanngorsaatissat katersorneqartassallutik.

Kommuneqarfik Sermersuumi workshoppeqartitsinerit saniatigut, Savalimmiuni marloriarluni workshoppeqartitsisoqassaaq, kiisalu Danmarkimi aallarnisaataasumik isumasioqatigiissitsisoqassaaq naliliillunilu isumasioqatigiissitsisoqarluni. Suleqatigiissitami sulisut peqataasut marluk workshoppini isumasioqatigiinnernilu tamani peqataassapput. Workshoppeqarnernut isumasioqatigiissitsinernullu tunngatillugu paasisutissat katersorneqassapput najoqqutassaliornermullu atorneqassallutik, amerlanerusunik workshoppertitsinissanut atorneqassallutik.

Kommuneqarfik Sermersuumut iluaqtissat

Kommuneqarfik Sermersooq suliniut aqutugalugu kommunimi ajunaarnersuaqartillugu aqutsinissaanut pingaarnertut aningaasaliissutit amerlanersaannik aningaasaliiffineqassaaq. Ajunaarnersuaqartillugu sungiusarnerit nalinginnaasut, siornatigut pisorta qarfiit sungiusaqatigiinnerini ingerlanneqartut, ukiorpassuanngortuni pinngitsoortinneqartarsimapput. Oqartussaasut ataatsimoortinneqartarnissaat suleqatigiinnissaminnullu sungiusaqatigiittarnissaat pingaaruteqarluinnarpoq, suliniummilu matumani tamanna periarfissiissutigineqassaaq.



Københavns Professionshøjskole taamatut ingerlatsinissami ilinniarsimasunik misilittagalinnik pikkorissaasoqartitsissaaq, taakkulu Tasiilamut Paamiunullu najoqqutassat immikkut ittut ineriartortissavaat.

Suliniuummi workshoppit ingerlanneqartussat saniatigut, siunissami workshoppertoqaqqittarnissaa periarfissaalissaaq, najoqqutassat suliami misilittakkat ineriartortitallu tunngavigalugit. Peqatigitillugu Danmarkimi Savalimmiunilu suleqatigiissutaasartut nukittorsarneqassapput, aammalu upalungaarsimanerup tungaatigut suli attaveqatigiittoqarnerulernissaanut periarfissiisoqassalluni.

Ingerlatsivimmit aningaasatigut sulisoqarnikkullu naliliinerit

Suliniut tamakkerlugu Nordplusfonden 541.838 kr.-nik (72.850 Euro) aningaasaliisuvoq, taakkulu allaffissornermut, suleqatigiissitamiittut angalanerannut aningaasartuutitut suleqatigiissitallu toqqaannartumik suliniuummi sulinerimi piffissamik atuinerannut atorveqassallutik.

Angalanermut aningaasartuutit ikinnerussapput, Kommuneqarfik Sermersuup nammineq akiligassai, aningaasaateqarfiup nammineq aningaasalersuinissamik piumasaqarnera pissutigalugu.

Piffissaq sulinermut atorveqartoq, suleqatigiissitami suleqataasut marluk ataatsimiinnerni piareersarfiusuni workshoppinilu peqataanerminni pingaartumik atortussaavaat. Taakkua allaaserineritut aningaasalersorneqartussaapput.

Angalanernut atatillugu ataatsimiinnerit allanut tunngasut sulinernullu tunngasut allat suliarineqartassapput, taamaaliornikkullu siunissami angalanissat sipaaruteqarfigineqassallutik.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuinerimi iliuusissat pillugit Inatsisartut inatsisaat nr. 14, 26. maj 2010-meersoq (maannamiit "Upalungaarsimaneq pillugu inatsit")
- Inatsisartut inatsisaata 2010-meersup allannguuteqartinneqarnissaanik Inatsisartut inatsisissaannut nr. 14, 3. december 2012-meersoq

Ilanngussat

1. Nordplus Powerpoint

Punkt 4: Upalungaarsimanermut immikkoortumut pilersaarut 2021 - 2024

Beslutning

Ilisimatitsissut tusaatissatut tiguneqarpoq.

Bilag

Upalungaarsimanermut pilersaarut KL



Upalungaarsimanermut immikkoortumut pilersaarut 2021 - 2024

Ilisimatitsissut

SagsID.: EMN-2021-00323 Akt ID 5

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- upalungaarsimanermut immikkoortumut pilersaarutip ilisimatitsissutigineqarnera tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Ingerlatsiviup matumani ilisimatitsissuteqarnikkut Kommuneqarfik Sermersuumi

Upalungaarsimanermut immikkoortumut pilersaarut 2021 – 2024 takussutissartalerniarpa.

Immikkoortumut pilersaarut upalungaarsimanermut tunngasoq maanna pissutsinut pioreersunut anguniakkanullu kommunip piffissamut 2021-2024-mut upalungaarsimanissaanut pilersaarummik ineriartortitsillunilu ingerlatsinissamut takussutissiissaaq.

Immikkoortumut pilersaarut pilersaarusionermut atortussatut isigineqassaaq tassani qulakkeerniarneqassalluni Upalungaarsimaneq suliassaqarfimmi tassani anguniakkat inatsisillu naapertorlugit aaqqissuunneqarlunilu ilusilersorneqarniassammat. Taamaammat siunertami qulakkeerniarneqarput aaqqissuussaanerup, inuttat, illuutit, angallassissutit atortullu tungaasigut eqqortunik atortoqarnissaat. Tamanna atorlugu upalungaarsimanermi ajutoornerit ikilisillugit killilerneqarsimaarneqassapput avatangiisinut, illuutitut inunnullu ajoqutaalinnginneranni.

Immikkoortumut pilersaarut qulakkeerinneqataassaaq siunissami upalungaarsimaniarnernut aningaasaliinerit upalungaarsimaniarnermut inuiaqatigiinnullu pitsaanerpaamik pilersaarusiortoqarnissaanut qulakkeerinneqataassaaq. Immikkoortumut pilersaarut maanna atugassanut siunissamilu ineriartornissamut isummernissamut tunngaviussaaq, soorluttaaq suliassaqarfimmi tassani politikikkut anguniakkanut isummernissamut aamma tunngaviussalluni.

Immikkoortumut pilersaarummi anguniakkat tunngavissiissapput pitsaanerpaamik upalungaarsimasoqarnissaa inatsisit aningaasaliissutillu iluini, kommunip atugaanut maannalu isumalluutaanut, sulisunut atortunullu tunngasunik naleqqussaannermi atorneqartartussaaq.

Immikkoortumut pilersaarummi pineqarput Kommuneqarfik Sermersuumi upalungaarsimaneqarup ilaanut tamanut kommunillu illoqarfiinut nunaqarfiinullu tamanut tunngasut. Illoqarfinni nunaqarfinnilu assigiinngitsuni upalungaarsimaniarnermut tunngasunik atugassarititat, piumasaqaatit periarfissallu assigiinnginnerat nassuerutiginaassaaq, anguniagarli ersarissoq tassaavoq innuttaasut sumulluunniit nunasigaluarpata illersorneqarsinnaasumik upalungaarsimasoqarnissaa anguniagaammat.

Immikkoortumut pilersaarutitut siunnersuut una Kommunip Upalungaarsimanermut ataatsimiititaliaanut juunip 25-ianni 2021 tusarniaassutigalugu nassiunneqarpoq.



Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattallit

- Kalaallit Nunaanni annaassiniarnissamut upalungaarsimaneq aamma ikuallattoornissamut qaartoornissamullu pitsaaliuinermi iliuusissat pillugit Inatsisartut inatsisaat nr. 14, 26. maj 2010-meersoq (maannamiit "Upalungaarsimaneq pillugu inatsit")
- Inatsisartut inatsisaata 2010-meersup allannguuteqartinneqarnissaanik Inatsisartut inatsisissaannut nr. 14, 3. december 2012-meersoq
- Nalinginnaasumik qatseriartortarnerit sulisullu amerlassusilerneqarnerat pillugit kaajallaasitaq nr 1 marsip ulluisa 15-ianni 1994-meersoq
- Qatserisartoqarfanni sulisut ilinniartitaanerat pillugu Namminersornerullutik Oqartussat nalunaarut nr. 33, 6. september 2001-meersoq
- Akunnittarfinni il.il., inini katersuuttarfinni, inini ilinniartitsiviusuni, ulluunerani paaqqinnittarfinni pisiniarfinnilu ikuallattoornaveersaartitsinermi iliuusissat pillugit Namminersorlutik Oqartussat nalunaarutaat nr. 16, 3. oktober 2012-meersoq
- Qummoroortaatnik toqqortaqartarneq pillugu Namminersornerullutik Oqartussat nalunaarutaat nr. 19, 9. december 2004-meersoq
- (Kalâtdlit-nunâne kavterissartut nâlagainut ilitsersût 31. januar 1980)

Ilangussat

1. Upalungaarsimanermit pilersaarut KL

Punkt 5: Nuummi uumasunut iliveqarfik

Beslutning

Inassuteqaat akuersissutigineqarpoq.

Bilag

Pissutsinut pilersaarut

Uumasuutitut iliveqarfissatut siunnersuutigineqartumut pilersaarut

Nuummi uumasunut iliveqarfik

Inissisimaffissaatut siunnersuutit ilaalu ilanngullugit

Aalajangiiffigisassaq

SagsID.: EMN-2021-12892

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- uumasunut iliveqarfissatut siunnersuutigineqartup inissisimaffissaata tamanit makitsissutigineqarnissaa akuerineqassasoq
- suliaq akuersissutigisassanngorlugu Aningaasaqarnermut Inuusutissarsionermullu Ataatsimiititamut kiisalu inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Ataatsimiititap siulittaasuanit kingornalu innuttaasunit siunnersuuteqartoqareersoq Ingerlatsivimmit uummasunut iliveqarfissamik pilersitsinissamik sulissutiginnittoqarpoq.

Iliveqarfissap sumiiffissaatut siunnersuutigineqartoq Qinnngutsinni inissisimavoq Ukkusissat sioraani immikkuualuttoq 4D4-mi. Siusinnerusukkut sumiiffiup masarsuunera pissutigalugu inunnet iliveqarfissatut piukkunnangitsutut nalilernerqarsimavoq. Nalilernerqarporli uumasuutitut iliveqarfigissallugu atorluarsinnaasoq.

Ingerlatsivimmit pissutsinut assingusut misissorneqartareerput ingammik Danmarkimi, uumasuutitut iliveqarfiit namminersortunit peqatigiiffinnilluunniit ingerlanneqartarlutik. Kommuninilli ingerlanneqartuni assersuutissaqanngilaq.

Ingerlanneqarnerisa akii agguaqatigiitsillugit ukiumut 500 koruuni ukiut tallimat ingerlanerini. Taassuma qaavatigut illerfik, ilisineq iliveqarfiullu ingerlannera (paarineqarnera), akeqartitsinerit assigiinngitsupilussuupput 575 koruuniniit 1500 koruunit angullugit, ilisinerinnarmut. Uummasuutit iliveqarfianiititsineq ukiunik 5-nik sivisussuseqarpassippoq.

Qulaaniittut tunuliaqutaralugit ingerlatsiviup siunnersuutigissavaa nunaminertaq toqqarneqartoq siunertamut tassunga immikkuullarissumut makitsissutigineqassasoq, aammalu paarineqarnissaa peqatigiiffimmit ingerlanneqarsinnaasoq. Iluseq taama ittoq Godthåb Bådeforeningimit ilisimaneqarpoq. Tassunga ilanngullugu siunissami uumasuutitut iliveqarfissap ingerlanneqarnera imminut illersorsinnaavoq aammalu kommunip ingerlatsinerimut aningaasaqarneranut artukkiinnginnissaa qulakkeerneqarsinnaalluni.

Ingerlatsivimmiilli kommunip tungaanit sumiiffimmi Viska Hestecenterimi biilnut uninngatitsiviup pioreersup eqqaanit aqqusineqqamik pilersitsisoqarnissaa siunnersuutigineqarpoq, aammalu biilnut uninngatitsiviup pioreersup allilernerqarnissaa ilanngullugu. Ingerlatsivimmittaaq siunnersuutigineqarpoq kuuk ikaartarfilernerqassasoq. Tamanna aallartinneqarumaarpoq sumiiffimmi peqatigiiffik nunaminertamik tunineqarpat. Sumiiffiup ungaluukkerneqarnissaa iluanilu aqquteeralersornissaa nunaminertamik piginnittussaasumit isumagineqassasoq siunnersuutigineqarpoq.



Siunertat taakku marluusut sanileriillutik ingerlanneqarsinnaanerat qulakkeerniarlugu ingerlatsivimmit Viska Hestecenter oqaloqatigineqareerpoq. Ilanngussaq 2-mi iluseq assigalugu aaqqiissutissaq nassaarineqareerpoq.

Ingerlatsivimmit aningaasatigut sulisoqarnikkullu naliliinerit

Biilinit uninngatitsiviup allilernissaa aammalu aqqusineeqqap ikaartarfiullu pilersinneqarnissaat 1.2 mill. koruunik akeqassanganneqarput. Aningaasaliissutissat taakku ilassutitut imaluunniit 2022-mut missingersuutinit qinnuteqaatigineqarumaarput.

Suliffeqarfimmut Kiffartuussivimmit aningaasatigut naliliineq

Pingaartegannilaq.

Inatsisitigut tunngavissaq allakkallu tunngaviumik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq aamma Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq www.kp.sermersooq.gl

Ilanngussat

1. Pissutsinut pilersaarut
2. Uumasuutinit iliveqarfissatut siunnersuutigineqartumut pilersaarut

Punkt 6: Kommunimut pilersaarummut tapiliusseq L7-1 Icefiord Lodge Nuuk, Kapisillit

Beslutning

Inassuteqaat akuersissutigineqarpoq.

Bilag

Tusarniaassummut akissuteqaatinik takkuttunik suliarinnineq

Tusarniaanermi akissutit tiguneqartut

Kommunimut pilersaarummut tapiliusseq L7-1 Icefiord Lodge Nuuk, Kapisillit



Kommunimut pilersaarummut tapiliusseq L7-1 Icefiord Lodge Nuuk, Kapisillit

Kommunimut pilersaarummut tapiliussamik akuersissuteqarneq

Aalajangiiffigisassaq

SagsID.: ANL-2021-00003

Sanarfinermut Avatangiisinullu Ingerlatsivik – pisortaagallartoq Alex Nørskov /ALNS

Inassuteqaatit

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Kommunimut pilersaarummut tapiliusseq L7-1 Icefiord Lodge Nuuk, Kapisillit akuersissutigineqassasoq
- suliaq akuersissutigisassanngorlugu Aningaasaqarnermut Inuusutissarsiornermullu Ataatsimiititamut kiisalu inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

Suliassamik saqqummiussineq

Kommunimut pilersaarummut tapiliusseq L7-1 Icefiord Lodge Nuuk, tamanut

tusarniaassutigineqarpoq sapaatit-akunnerini 8-ni piffissami 31. marts – 26. maj 2021.

Tusarniaassutigineqarnerata nalaani akissuteqaat ataaseq tiguneqarpoq, taannalu allannguutiniq aaqqiinernilluunniit pissutissaqartitsinngilaq.

Kommunimut pilersaarummut tapiliussassatut siunnersuut L7-1 naapertorlugu sanaartugassatut siunnersuut Icefiord Lodge Nuuk, Kapisillit, kommunalbestyrelsimit ulloq 24. novembari 2020-mi akuersissutigineqartoq periarfissaalerpoq.

Pilersaarut atorlugu immikkoortumut pilersaarut nutaaq L7 ilanngunneqassaaq, tassanilu takornarianut illuaqqat 50-it tungaannut amerlassusillit taakkunungalu attuumassuteqartut atortorissaarutit, matumani neriniartarfik illullu ingerlatsinermut tunngasut ilanngullugit sanaartorneqarsinnaallutik. Immikkoortup ilaa nunaqarfiup Kapisillit, nunaatileqarfiup Neriu nap, kiisalu illuaraqarfiit K26 aamma K27 Kapisilinnut attuumassuteqartut eqqaanniippoq. Illuaqqat qisunnik aqqusineeqqanillu aqqusinilersorneqarsinnaapput pilersuinerlu ilanngunneqarsinnaalluni.

Sanaartugassatut siunnersuutaasoq nukissiuuteqarnikkut imminut pilersortuussaaq.

Sanaartornermut atatillugu puttasuliortoqarsinnaavoq, taannalu tamanit atorneqarsinnaasuussaaq.

Aserfallatsaaliuinermit atatillugu nunaminertamik piginnittussaataasoq pisussaaffeqartinneqassaaq.

Pilersaarutitaa kommunimullu pilersaarummut tapiliusseq Kapisillit nunaqarfittut minguitsuusutut piujuartitsisutullu kommunalbestyrelsip takorluugaanut ajunngilluinnartumik ilassuteqaataavoq.

Taamaattoq oqaatigineqassaaq, nunaminertamik atuinissamut akuersissut pitinnagu immikkoortumi itsarnitsanit eriaqisat itsarnisarsiunits misissuisoqassammata.



Ingerlatsivimmit aningaasatigut sulisoqarnikkullu naliliinerit

Pilersaarutitut tunngasut suliarineqarneranni aningaasatigut sulisoqarnikkulluunniit kinguneqassanngilaq. Sanaartugassatut qinnuteqaatip akuersissutigineqarneranut atatillugu nunaminertamik inniminniineq tunngavigalugu kommunimut pilersaarummut tapiliusaaq suliarineqarpoq.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivik suliamut aningaasaqarnermut tunngasunik oqaaseqaatissaqanngilaq.

Inatsisitigut tunngavissaaq allakkallu tunngaviusumik uppersaataatallit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitaliusoq www.sermersooq2028.gl // www.kp.sermersooq.gl

Ilannussat

1. Tusarniaassummut akissuteqaatinik takkuttunik suliarinninneq
2. Tusarniaanermi akissutit tiguneqartut
3. Kommunimut pilersaarummut tapiliusaaq L7-1 Icefiord Lodge Nuuk, Kapisillit

Punkt 7: Inaarutaasumik akuersineq: Angallannermut pilersaarut, immikkoortoq 1: Nuummi aqquserngit aamma aqqusineqqat

Beslutning

Inassuteqaat akuersissutigineqarpoq.

Bilag

Tusarniaanermut akissutininik suliaqarneq 1A

Tusarniaanermut akissutininik suliaqarneq 1B

Tusarniaanermi akissutit tiguneqartut 2A

Tusarniaanermi akissutit tiguneqartut 2B

Angallanneq pillugu pilersaarut, immikkoortoq 1: Aqquserngit aamma aqqusineqqat, Nuuk



Inaarutaasumik akuersineq: Angallannermut pilersaarut, immikkoortoq 1: Nuummi aqquserngit aamma aqqusineeqqat

Aalajangiiffigisassaq

J.nr: PRJ-2020-00021

Sanarfinermut Avatangiisinullu Ingerlatsivik – pisortaagallartoq Alex Nørskov / ALNS

Inassuteqaat

Sanarfinermut Avatangiisinullu Ingerlatsiviup Sanarfinermut Avatangiisinullu Ataatsimiititamut inassuteqaatigaa:

- Angallannermut pilersaarut, immikkoortoq 1 akuersissutigineqassasoq: Aqquserngit aqqusineeqqallu, Nuuk"
- Angallannermut pilersaarut, immikkoortoq 1: Nuummi aqquserngit aamma aqqusineeqqat" Aningaasaqarnermut Inuussutissarsionermullu Ataatsimiititamut akuersissutigisassanngorlugu kiisalu Kommunalbestyrelsimut inaarutaasumik akuersissutigisassanngorlugu ingerlateqqinneqassasoq

Suliassamik eqikkaaneq

Sanarfinermut Avatangiisinullu Ingerlatsiviup matumuuna "Angallannermut pilersaarut, immikkoortoq 1: Nuummi aqquserngit aamma aqqusineeqqat" inaarutaasumik akuersissutigisassanngorlugu saqqummiuppaa.

Immikkoortumut pilersaarut ungasinnerusooq eqqarsaatigalugu sinaakkutissatut pilersaarutaavoq, Nuummi pisuinnaat sikkilertullu atugarisaat isumannaatsuunissaallu pitsanngorsaaffiginiarlugit, aammalu suliniutit timitallit taamaaqatiginngisaallu allaaserineqarlutik. Pilersaarummi siusinnerusukkut angallannermut pilersaarusiariqartoq killiffissiorneqarpoq, taannalu tunngavigalugu suliniutigineqartussat ingerlanneqarput.

Kommunalbestyrelsimut immikkoortumut pilersaarummut siunnersuut saqqummiunneqarpoq "Angallannermut pilersaarut - Immikkoortoq 1: Aqquserngit aqqusineeqqallu, Nuuk" tamanut tusarniaassutigisassanngorlugu piffissami 03. marsi – 28. aprili 2021. Taamatutaaq Angallannermut pilersaarutip ilamininngua Kommuneqarfiga-mi takuneqarsinnaasimavoq, tassanilu kikkulluunniit Nuummi ajornartorsiutaaffiusut nalunaaqutsersinnaasimavaat pitsanngorsaattissatullu siunnersuuteqarlutik. Atuisunut peqataatitsinermut tunngasoq piffissami 6. aprili 2021 - 28. aprili 2021 tamanut tusarniaassutigineqarpoq. Katillugit tusarniaassummut akissutit 27-t aqqutillu aalajangersimasut pitsanngorsaattissaat pillugit isumassarsiat amerlanerusut tiguneqarput.

Immikkoortumut pilersaarummi matumani aqqusinernut, aqqusineeqqanut illoqarfimmullu aqqutit pillugit tamanut suliniutissat saqqummiunneqarput. Tulliuttuni sumiiffinnut aalajangersimasunut aqqiissutissatut siunnersuutit, aqqusinernut aalajangersimasunut eqqarsaatigineqartut, taamaattorli sumiiffinnut allatut akulerullugit atorneqarsinnaasagunartut, saqqummiunneqarput. Aqquserngit pingaernerit, aqquserngit naapiffii imaluunniit kaajallattarfiit allanngortinneqarnerisa saniatigut annikitsunik allanik suliniuteqartoqarpoq Nuummi angallannermut pitsanngorsaaqataasinnaasunik.



Matumani immikkoortumut pilersaarutip naalernerani tulleriiaarinissamut allattorsimaffik takuneqarsinnaavoq. Tassani nassuiaammi immikkoortut eqqumaffigisassat allattorsimapput, suliniutillu aallartinneqartariaqarneri naapertorlugit tulleriiaarnissaat gruppiikkaarlugit agguataagaapput.

Matumani pilersaarut akuerineqarpat, aalajangersimasumik aqqiissutissat tulleriiaarinissamullu allattorsimaffik tunngavigalugu akigititassatut siunnersuutit ilanngullugit iliuusissatut pilersaarusiortoqassaaq.

Pilersaarut una pilersaarutinit katillugit pingasuusunit siulliuvoq, taanna Nuummi angallannermut ataatsimut takutitsisuuvoq, ajornartorsiutaasunik misissueqqissaarnermik aamma piffissap ingerlanerani naleqquttumik aqqiissutissatut siunnersuutaasumik.

Immikkoortut immikkoortillugit politikikkut suliasanngorlugit ingerlateqqinneqarput, taamaattorli ataatsimut pilersaarusiornermi kapitalinut tulleriiaartinneqartutut isigineqarput.

Aningaasatigut sulisoqarnikkullu naliliinerit

Angallannermut immikkut pilersaarummik suliaqarnej - imm. 1: Nuummi aqquserngit aamma aqqusineeqqat aningaasatigut kinguneqarsimanngilaq.

Suliffeqarfimmut Kiffartuussivimmit aningaasatigut naliliineq

Aningaasaqarnermut Allatseqarfiup iliuusissatut pilersaarusiaq aalajangersimasunik aqqiissutissartalik akinillu missingiutitalik suliarineqareernissaa utaqqivaa.

Kommunip 2021-miit 2029-mut sanaartornermut missingersuutaani attaveqarnermut sanaartorfissagissaanermullu aningaasaliissutit ukiumut 50 mio. koruunit immikkoortinneqarsimapput. Aningaasaliissutinit taakkuninnga aningaasat kommunimi attaveqaatit pitsanngorsarneqarnissaannut allilerneqarnissaannullu atorneqarsinnaassapput.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. novembari 2010-meersoq
- Kommunimut pilersaarut digitaliusoq www.kp.sermersooq.gl

Ilanngussat

1. Tusarniaanermut akissutininik suliaqarnej 1A
2. Tusarniaanermut akissutininik suliaqarnej 1B
3. Tusarniaanermi akissutit tiguneqartut 2A
4. Tusarniaanermi akissutit tiguneqartut 2B
5. Angallanneq pillugu pilersaarut, immikkoortoq 1: Aqquserngit aamma aqqusineeqqat, Nuuk

Punkt 8: Lukket

Punkt 9: Lukket

Punkt 10: Lukket

Punkt 11: Lukket

Punkt 12: Lukket

Punkt 13: Lukket

Punkt 14: Lukket

Punkt 15: Lukket

Punkt .: Taasariaqartut allat

Beslutning

Ataatsimiititap ullumikkut NCD-mut pulaarneq eqqartorpaat, ataatsimiititami ilaasortanut pitsaasuvoq paasisaqarnarlunilu. Ukiup affakkaartumik NCD pulaarneqartassaaq.

Siunissami ataatsimiititap ataatsimiinnerinut atatillugu ataatsimiititap suliffeqarfinnut alakkaasarnini ingerlatiinnassavai. Ataatsimiititami ilaasortat allakkatigut siulittaasumut siunnersuuteqartaqquneqarput.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 14:39.